

Ո Ր Ո Շ ՈՒ Մ Թ Ի Վ 07

/գույքի վրա արգելանք դնելու վերաբերյալ/

«21» փետրվարի 2024թ.

ք. Երևան

Հայաստանի Հանրապետության պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, ուսումնասիրելով «Արթին Աբլիք» ՍՊ ընկերության (ՀՎՀՀ՝ 00113169, հասցեն՝ ՀՀ, ք. Երևան, Կոմիտասի պող. 30/19, տնօրեն Արթին Անդրանիկի Հարթունի) կողմից վճարման ենթակա հետաձգված ԱԱՀ-ի գումարների գանձման նպատակով հարուցված վարչական վարույթների նյութերը,

Պ Ա Ր Զ Ե Ց Ի

«Արթին Աբլիք» ՍՊ ընկերության անվամբ թիվ 05100010/301123/0120872 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել են ապրանքներ, որոնց համար առաջադրված մաքսային վճարների վճարումը ընկերության կողմից սահմանված ժամկետում չի կատարվել:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության ՓՀ և ԳՀ բաժնի կողմից 11.01.2024 թվականին տրված տեղեկանքի համաձայն՝ «Արթին Աբլիք» ՍՊ ընկերության կողմից մաքսային վճարների գծով բռնագանձման ենթակա գումարը կազմում է ընդհանուր 2,062,479 ՀՀ դրամ, որից ապառք՝ 2,029,200 ՀՀ դրամ, տույժ՝ 33,279 ՀՀ դրամ:


Մաքսային վճարների գանձման նպատակով հարուցված վարչական վարույթի նյութերում առկա փաստաթղթերի ուսումնասիրության արդյունքում պարզվել է, որ ներմուծված ապրանքները գտնվում են «Արթին Աբլիք» ՍՊ ընկերության տիրապետման տակ, և վերջինս մինչ օրս դրանց համար չի վճարել 2,062,479 ՀՀ դրամի չափով մաքսային վճարները, չի տրամադրել մաքսային վճարների վճարման որևէ երաշխիք, ուստի առկա են բավարար հիմքեր ենթադրելու, որ ընկերությունը կարող է թաքցնել, փչացնել կամ սպառել վարչական ակտի կատարման համար անհրաժեշտ գույքը:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 88-րդ հոդվածի 2-րդ մասի դրույթներով՝

Ո Ր Ո Շ Ե Ց Ի

- Վարչական ակտի կատարումն ապահովելու նպատակով արգելանք դնել «Արթին Աբլիք» ՍՊ ընկերությանը պատկանող գույքի և դրամական միջոցների վրա՝ **2,062,479 (երկու միլիոն վաթսուներկու հազար չորս հարյուր յոթանասունինը) ՀՀ դրամի** չափով:
- Որոշման մասին օրենքով սահմանված կարգով իրազեկել «Արթին Աբլիք» ՍՊ ընկերությանը:
- Որոշումն ուղարկել ՀՀ ԱՆ հարկադիր կատարումն ապահովող ծառայություն՝ կատարման:

ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ
ԿԵՆՏՐՈՆ-ՄԱՔՍԱՏՈՒՆ, ՎԱՐԶՈՒԹՅԱՆ
ՊԵՏԻ ՏԵՂԱԿԱԼ



ԱՂԱՍԻ ԱՂԱՅԱՆ